



廣清涼傳卷下

清涼山大華嚴寺壇長妙濟大師賜紫沙門延一重編錄

高德僧事跡十九之餘

高德尼事跡二十

南宋僧俗所覩靈異二十一 靈異莫木二十二

大聖文殊師利古今讚頌二十三

高德僧事跡十九之餘

釋嘉福俗姓聶氏代郡雁門人也年七歲於本州總因寺出家十五受具後住清涼望臺三十餘年常誦維摩經菩薩聲聞二本戒文涅槃般若二部多所悟入并誦諸部經論百有餘本十日一周略無餘暇及然五指供養文殊臂上燒燈求生淨土至開皇二十四年十二月下旬倏見白光一道直至西方如是一日眾人咸覩奄然而逝

廣清涼傳卷下

一 吳縣蔣氏雙唐碑館刊本

釋道宣俗姓錢氏吳興人也蓋彭祖之後少誦教文長親師席關之東西河之南北求訪宗匠無憚苦辛外總九流內精三學戒香芬潔定水澄漪存護法城著述無輟尤攻律藏窮計幽微七聚五篇渙然冰釋感天厨饋食備於先記自梁迄今曾無儔匹按華嚴靈記云律師常至中臺頂上見一童子形貌異常律師問其所由童子曰弟子天也帝釋遣令巡守聖境律師又問道宣嘗覽華嚴經菩薩住虛品文殊師利住清涼山宣自到山未嘗得見其理如何童子曰師何致疑世界初成此大地踞金輪之上又於金輪上撮骨狼牙生一小金輪其輪至北臺半腹文殊菩薩七寶宮殿之所在焉園林果樹咸充滿一萬菩薩之所圍遶北臺上面有一

水池名曰金井大聖文殊與諸聖衆於中出沒與金剛窟正相通矣大聖所都非凡境界師可知之言終乃隱律師下山向衆親說其事云

釋窺基法師姓尉遲氏祖諱懿寧國公父敬宗六軍卿冑之職任松州都督伯父敬德卽唐初總管武略口古聲名蓋代封鄂國公唐書有四傳孔子有四科口付有四聖大唐三藏有四弟子基光昉測故今疏主卽其一焉三藏西域取經旣迴圓教大乘創流東土將圖普利必藉周材法苑所推專歸疏主至年十七遂預緇林特奉明詔爲三藏弟子疏主專受大乘三藏秘訣三藏以爲廣濟羣品莫大於弘宣傳付有歸受命著述製法華唯識等疏一百餘部盛行於世又於三藏大師終後數年來遊五臺山禮文殊菩薩

廣清涼傳卷下

二吳縣蔣氏雙唐碑館刊本

於花巖寺西院安止法師常月造彌勒像一軀日誦菩薩戒一遍願生兜率求其志也感通之應綽然可觀又復親書金字般若經畢有神光瑞雲縈拂臺宇輝耀函笥曰我無堅志靈應何臻從遊山訖旋之京師慈恩寺於永淳二年蟬蛻去爾開元二十三年三月十五日有清涼寺普觀禪師與同造功德主沙門法會於中臺頂造玉石釋迦文殊普賢等一部從神功妙絕至開元二十四年功畢後武宗會昌五年拆天下寺宇例遭除毀悲矣

釋志遠俗姓宋氏汝南人也早喪所天孤養於母承順顏色晨夕靡倦母常讀法華經精通五卷師因夙植善本每念辭榮年二十八乃啟母出家事師之禮服勞無替躬執僧後未常違衆厥後辭師參學負笈八年南北兩宗大道淵旨然於天台頓教無所宗尚

可謂定慧雙明惠修兼備後聞臺山靈異乃結侶同遊就華嚴寺右小院挂錫演天台圓頓僅四十年衆因目其院爲天台焉至會昌五年忽絕粒數日而講課之務未曾暫息及二月十七日告門人曰吾平生修進靡欺心口今獲二種果報卧安眠覺而無痛惱吾所著法華疏十卷本跡一門三周記別開近顯遠玄門十卷五義判釋止觀十卷其天台宗疏務在宣闡並使傳通勿令止絕言訖奄然而逝春秋七十七僧臘四十八

案碑文云金光照和尚者其先河南府澠池縣人也俗姓李氏年十三出家依於新安縣寶雲寺主靈竅爲師至年十九入洪陽山祖述迦葉和尚伏勤三年猶如一日可謂衣不帶布褐遮身殘形毀容勤求至道和尚謂曰道常無爲而無不爲佛常無應而無不

廣清涼傳卷下

三 吳縣騎氏雙唐碑館刊本

應守斯守一勤則居三雖恆沙異名隨緣攝化而彼岸同體感物從權且清涼山者諸佛之應化也衆生緣重爾可往焉師旣親受言教來至汾州洎寶應中遇姦臣兇動戎馬生郊師阻難中未可前路乃迴入馬頭山經姑射山又轉至檀特山六年居山事慧超禪師誓願苦身以崇至學每興重願以救蒼生志在山林祈無上覺禪師知其願重乃命速行轉至屋党山夏縣師於惠悟和尚諮參至理又聞方山純達禪師德行清高名譽遠徹旣至其所禪師一見乃問師從何而來師曰從無所來禪師乃接以微言豁然啟悟乃知衆生卽佛佛卽衆生三界圓通唯一心耳遂住嵩山經於三載禪習爲務守戒爲常每自思曰臺山之願竟未心屬我國家聖德廣運日月照臨功高百王業濟千古至唐大曆二年方達五

臺山於大華嚴寺萬菩薩院安止其日忽雷電交發雨雹駛飛師
乃駭心嘿念大聖俄爾晴霽倏睹白光從臺飛下光中千佛嚴麗
赫然師涕泣交流舉身投地而爲作禮比至舉首忽然其前湧出
高樓十丈有千葉花座而以盛之遂見諸佛舒金色臂三摩師頂
告師曰爾從今已去應名金光照耳諸佛令師誦金剛般若以爲
恆式言訖忽然不見師心內喜躍感悟良多翌日禮辭寺衆遂詣
秘廡崑幽居進德日有所新後又自西臺忽雷風暴震曳電注雹
良久雲開谷騰黃霧倏忽之間千變萬化師一心瞪視誓求佛果
應時和風清暢雲霧競湧忽見維摩居士普賢菩薩文殊師利師
悲泣禮拜忽然不見又見二童子引師直詣臺頂見二如來淨如
瑠璃內外明徹紫光蔽日白氣浮天徧滿山林盡同金色同行伴
侶罔知厥由後又詣東臺那羅延窟遙見三僧乘白雲湧出至前
便隱又至夜三更已來忽見窟前樓閣層峙天樂嘹唳至數日已
卻往秘廡居止六載後繁峙縣令呂才俊堅請至縣虔心供養後
代州都督辛雲冕聆師之德望差指使迎入大雲寺居止爲首廣
興佛事後不知其所終云耳

華嚴疏主法諱澄觀俗姓戴氏本越州會稽山陰縣人也卽唐第
八帝肅宗皇帝世年十三出家厥後儒典九流百家子史莫不該
盡具戒之後節操非常但有名山必遊勝友皆訪於大曆十一年
來遊五臺於華嚴寺西般若院下疏主至山前後遊臺四十餘後
至大華嚴寺專讀大乘方等之教華嚴一經偏所翫習以自悟心
慶在朝聞卷不釋手其時有善住閣院隋朝本名東道場也僧名賢林亦不

廣清涼傳卷下

四 吳縣蔣氏雙唐碑館刊本

測之人也時充華嚴寺主乃與寺衆恭請法師講華嚴法華等經前後五載法師每謂華嚴舊疏旨約文繁乃自唯曰竊以大聖文殊師利表乎眞智普賢菩薩旌乎眞理二法混融卽表毘盧遮那之自體也理包萬行事括千門廣喻太虛周齊罔極大矣我卽華嚴奧旨歟我今旣措趾文殊聖都清涼妙域華嚴大典豈得捐乎於是日暮策懷思惟造疏卽自華嚴寺徙住般若院從容謂衆曰余來聖地曠劫希逢欲屏交遊澄心造疏可能爲余建閣一座於上造疏可乎寺主賢林等僉曰允從乃募工起手不日而成時有溫州無著躬自書梁羲之筆跡奇哉可觀功畢疏主於上起立制疏道場卽唐興元元年四月八日也朝夕焚祝心祈瑞應數日之後中夜寢夢一金人於疏主前立師乃以手攬之從首喰食至足

廣清涼傳卷下

五 吳縣薛氏雙唐碑館刊本

而寤私心喜曰此必大聖垂祥是余喰受華嚴之法味得其粹旨示造疏始終之兆也乃起盥漱遽入道場焚香設禮慶謝嘉瑞厥後若躬對聖容援毫灑翰才思如流精釋微言未嘗疑阻遂得一部七處九會之文渙然在目自興元元年迄正元元年丁卯歲十一月五日絕筆法師旣造疏已乃罄資緣設千僧齋齋用爲顯慶又欲驗其疏流通之兆乃入道場祈禱冥應忽於夜寐夢見自身化爲大龍首枕南臺尾枕北臺騰躍其身復化作千箇小龍分散而去疏主覺已喜曰斯乃新疏流行之應矣於是華嚴寺主賢林尙座悟寂山門十寺都供養主溫州無著并闔山僧衆又共設大齋顯慶新疏正元四年并州節度使馬遂代州都督王朝光各遣使齋供施至山令請疏主講其新疏每日可謂座列千僧聆宣妙

典所出學徒前後計及千數其餘事疏具如別傳所云

釋常遇姓陰氏范陽人也先從本土安集寺出家師其性淳朴體貌魁梧好適林泉棲心物外大中四年杖錫孤遊禮五臺山尋訪聖跡止華嚴寺菩薩堂瞻大聖眞容然右手中指爲供養後徧歷五頂大觀祥光不可勝紀至西臺遇古聖跡名秘慶岳師啟目之際忽覩金光燦爛奪目漸分雉堞方勢如城卽古所謂金色世界也因問寺僧寺僧曰是地昔有古德住持名金光照和尚斯亦因光立諡必其祥也師悲喜交集誓居此地乃結廬住止滌慮棲神一入定門經四十九日鳥飛花雨合卒香雲揚袂摳衣歸依如市因卽創興梵宇締構佛宮十有七年不下峯頂禪誦精勤寸陰無廢可謂聖力潛通道出凡境至昭宗運季師亦化不常有時撫掌高聲大笑或復手執二石相磨只云併合併合人不測其由至唐莊宗吞併朱梁之後人方悟前語師神異前知如此時武皇之在河東也嚮慕高德就山致禮文德元年夏四月命憲州刺史馬師素傳意邀請師固不受命卽以其年七月十八日囑門人已蟬蛻而去春秋七十二夏臘五十一

釋願成姓宋氏不知何許人也家世儒素遐邇知名不務浮華不

趨榮利初其母陰氏夜夢庭中雙樹盡放繁花俄頃而謝唯有一枝獨無凋變結成珍果覺而有娠陰氏心喜願生男子旣發願已

如期生男遂名願成乃長從師猶稱小字師子矜之歲出就鬻舍務學明敏首冠羣輩厥後棄俗辭親詣五臺山依佛光寺僧止行嚴爲師至大和五年受具誦大小乘戒法華金剛佛頂大悲神咒

用爲常務也武宗世誅剪釋門師執志無改宣宗皇帝卽位重興佛寺山門再選召師爲其首特許修營佛光一寺功畢尋頒命服師號圓相就加山門都檢校至光啟三年六月五日忽覺氣衰敗乃罄捨衣孟以充檀施無幾而卒後之人起塔於寺之西北佛光寺乘方禪師者遺其姓氏鄉里卽解脫和尚之孫也身長七尺五寸古貌稜稜垂手過膝眉長數寸目有重瞳禮念六時行道無息紹其高躅再修梵宮臺殿橫空等級相次有太原士女造立大聖一軀擬送山門路經渚洳河水泛漲波濤鼓怒舟楫傾危禪師隔岸遙禮焚香懇啟水忽絕流聖像旣濟湍激如故厥後忘其年月示滅於寺肉身猶在有碑居寺西一里

無名和尚渤海郡人卽先朝高力士之孫也幼年慕道落緝髮於

廣清涼傳卷下

七 吳縣蔣氏雙唐碑館刊本

金園求具尋師霽戒品於京洛心地淵奧受荷澤之宗文藻縱橫出湯休之句可謂法苑之梁棟釋門之標準至正元年示滅之日澡盥清潔凌晨一食告召寺衆門徒跏趺而逝其後十一年河東節帥李公頂謁聞有異香重修龕室感神光數丈瑞相仍現方議茶毘肉隨火化霜骨端坐鮮潔光明支節鉤連瑩滑如玉建塔於寺刻石猶在

銓律和尚本代地土居人也七歲出家依年受具戒珠清瑩行業芬敷外習毗尼藏教內修大乘因地他心通照事必先知蔬食不過中弊衣纜蔽體不貯粒粟不畜縷帛可謂清苦高行僧也示滅之日有綵雲翳空天樂盈耳異香芬馥遠近龔人召集寺衆執手叙違付囑門人跏趺而滅

釋法興本西京人也七歲出家與時流不雜承侍師長策勵忘疲
諷妙法蓮華經暮年成誦又念淨名金偈不盈九旬二本戒經僅
踰一月日常一過諷味精通律軌精嚴秉持無犯來禮聖跡志樂
林泉隸名佛光遂有終焉之志四方供利身不主持付囑門人修
彌勒大閣凡三層九間高九十五尺尊像莊嚴靡不周備已至七
十二位聖賢八大龍王臺山諸寺聖象萬有餘尊繪塑悉具僧徒
稱讚衆口一辭列上所屬請充山門都綱規矩準繩爲後世法大
和二年正月聞空中有聲云入滅時至堯率天衆今卽來迎師乃
澡浴焚香端坐而滅建塔在寺西北一里

王子燒身寺必救都綱者不知何許人也未詳其字姓蓋聞諸古
老口相傳授事多湮廢今但傳其梗槩孔聖所謂我愛其禮斯亦

廣鴻涼傳卷下

吳縣蔣氏雙
唐碑館刊本

如之世傳閻羅王之師舅也以曾掌僧務因謂之都綱昔清涼府
卽今五臺縣之故城也彼其縣宰忘其名氏夏中獨坐夜飲於公
廡之下條見數人形質甚偉持枷鎖似官中追攝人者至前立其
縣宰詰問厥由對曰某閻羅大王之使卒大王遣來相追攝爾公
可行焉宰於是大駭起立謂獄使曰死卽古今之常事余不懼也
祇緣有寡親在堂唯憑官俸以爲恩養若赴追攝孝養弗周若待
其百年死而無恨今廣貽金玉可能捐否卒曰此大王嚴命某不
敢專也公若要免五臺山王子燒身寺有必救都綱是大王之外
舅若能往告必能相爲也於是縣宰遽俾被馬與府卒恩恩而發
比至日出乃得達寺師房扉尙掩眠猶未興宰躬自敲門微聲而
喚少頃師出宰卽折躬致禮師曰山僧愿德不銷貴人之禮宰舊

嘗巡山頗相輕視此時事逼致敬忘勞曰不識聖人罪寔深矣泣
淚又拜師因問其故宰具述厥由師曰可也因索紙筆具書其事
書畢付與其宰宰致拜再三陳謝而退自後至官滿了無他事師
自此傳名名旣彰矣師尋亦示滅有塔見在寺之東南集傳者曰
此大聖化故化金閣傳云凡聖混居斯其驗矣

降龍大師俗姓李氏諱誠惠本蔚州靈三縣人也其親壯而無嗣
聞五臺山文殊靈異躬詣祈請旣還妻卽感娠後月滿生男鄉閭
嗟異咸云聖子及長風骨爽秀神智不羣乃詣臺山依眞容院殿
主法順爲師至年二十登壇受具東臺東南約一百餘里有池名
龍宮者耆舊相傳大師嘗居彼結廬修道今見有叢樹故基猶在
師於淨瓶中素畜一龍龍曾逃出入清水河中有一巨石上通三

廣清涼傳卷下

吳縣蔣氏雙
唐碑館刊本

穴潛隱其一日凌旦河上西南見白氣出師知龍潛其下乃攜瓶
詣河向石穴大叱之龍還入瓶攜之歸庵其泉猶有靈異雖河瀑
漲淤滓混流獨此泉中畧無纖穢天禧年中余親往觀之今龍泉
店亦因泉得名也大師嘗於西臺東北李牛谷中亦有結廬誦經
之所嘗感山神現身聽法後有王子寺僧湛崇等率衆連書懇請
住寺展師資禮師不違來願徙居彼寺故得金峰增耀寶壤騰芳
九州之琛賚皆來十寺之樓臺益盛財施法施佛田僧田由師住
持同霑利澤後唐莊宗聞師高行同光元年七月遣使持紫衣師
名敕書賜之詔云誠惠鷲嶺名流雞園上哲精守護鵝之戒弘宣
住雁之談潛括三乘深明四諦忍草長新於性苑意花不染於情
田自隱跡靈峰棲心勝地泛慈舟而拯溺持慧炬以引迷五百龍

神皆降懿德一萬聖衆盡繼玄蹤爲法宇之棟梁作空門之標表
朕方興景運大闡眞風宜旌積行之名以奉無爲之教今賜號廣
法大師仍賜紫衣師固辭不受續降敕敦勸其畧爰遣內臣遠班
成命師號旣旌於戒行紫衣無爽於受持久屬當仁匪宜多讓至
同光三年乙酉歲十二月囑門人已枕手而終春秋五十僧臘三
十師終後敕賜諡曰法雨大師并靈塔號慈雲之塔今現在本寺
超化大師諱匡嗣俗姓李氏太原文水縣齊鳳村人也幼年慕道
不樂世榮注意臺山願求披剃依眞容院浩威爲師受具之後勵
志不羣杖錫南方參尋知識學通內外博究禪律傳法度人開衆
耳目晉天福三年戊戌歲遊方行化至湖南謁僞國主王公公施
香茶盈萬至丁未歲遣使賞送入山徧給諸寺癸卯歲至吳越國

廣清涼傳卷下

十
吳縣蔣氏雙
唐碑館刊本

見尙父元帥錢王王禮接殊厚語論造微雅合王意遂施五臺山
文殊大士一萬聖衆前供物香茶及製銀鉢孟鎖子萬副茗荈充赤

反茶葉
老者也

百籠仍遣人送至吳越館內諸州刺史各辦施利鋪陳俱

具無不周備別造巨舶乘載由海路北歸嘗遇暴風四起波濤鼓
怒舟人惶駭頃刻沈沒大師整衣焚香望山遙禮文殊大聖乞加
冥護俄頃見文殊師利出於海上現半身猛風駭浪頓然恬息遂
達滄州輿載歸山尋與降龍大師均施諸臺寺院山坊藹若不私
其利及挂錫舊居徒衆堅請主領僧務厥後朝命典統山門十五
年間興修佛寺供衆僧數過百萬案別傳云昔湖南馬王素欽令
望嘗使賞茶二百籠送詣臺山以充大聖前供養乃俵給山門諸
寺後與大師偕之臺頂焚香祈禱設禮旣畢俱宴龍池之側忽見

一小蛇其身赤色躍於水上迴首盼師師曰你來也乃告其使曰爾可速歸懼有大事使卽依言與師俱旋至院翌日使心忽忙策馬而去比至其主已薨使乃方悟見蛇之驗師預見如此其何人哉亦不測之人也住持之外禪誦爲務以大晉天福九年甲辰歲九月構疾五日遷逝茶毗已後門人收靈骨舍利起塔見在

取性道者晉代人也失其鄉里姓氏居取性院卽今王子寺東北蘭若改名北福聖院是也師內行莫測外相龔鄙衣唯弊衲食且衆殘不染聲名人欽若聖鄉川供施無不樂輸縑素遊山瞻濟無擇常操利刀一口入山見蛇卽斬唯云取性取性由此故名取性道者每誡弟子云汝山採柴若見蛇時慎勿打殺蛇報果重千年少一更重受之弟子云若果爾者師何斬之師云咄爾何知也老

廣清涼傳卷下

吳縣蔣氏雙唐碑館刊本

僧斬之令其取性卽解其蛇報爾等不能豈同吾也師之密行如此後終於本院云耳

僧統大師者俗姓劉氏諱繼顒燕薊人也父諱守奇唐末任滄州節度使師幼失所怙性稟知識遭亂避地清涼山禮眞容院果勝大師弘準爲師年滿受具誦習無疲遠詣京師聽學邇數本經論遂還舊寺首戴大方廣佛華嚴經跣足遊禮五臺每至一頂講菩薩住處品一終歲以爲常每講終設茶藥異饌以供其後對妙吉祥焚香立願遊歷東京時晉少主在位見之信重賜大相國寺講大華嚴經將相王侯歸依信受及解講獲施財巨萬盡以所直於本寺講堂四面飛軒之下創立石壁命工鐫勒所講之經期月之間功用造畢尋請還山賜資財施不可勝計遂建眞容院四面廊

廡及華嚴寺樓閣凡三千間不啻設供七百餘會塑山龕羅漢三十二堂轉金剛經并藏經六百萬卷及眞言咒偈刻壇盡氎逢三八普施溫湯設四衆無遮粥會殊因妙果植大福田未有若斯之盛者也尋詔授五臺山十寺都監賜師號廣演匡聖大師鴻臚卿仍頒命服僞漢高祖一見師奇表歎未曾有特命與諸王爲兄弟少主卽位加五臺山管內都僧統後以功授大漢國都僧統檢校太師兼中書令以僞漢天會十七年正月十二日遷滅於五臺山菩薩院享年七十有三僧臘三十有二詔僞諫議大夫楊夢申撰神道碑銘立於院之西北門人收靈骨建塔猶在

高德尼事跡二十

按華嚴經感應傳云唐儀鳳年中西域有二梵僧至五臺山賣草

廣清涼傳卷下

士 吳縣蔣氏雙
唐碑館刊本

花執香爐肘膝行步向山禮文殊菩薩遇一尼師在巖石間松樹下繩床上儼然獨坐口誦華嚴時景方暮尼謂梵僧曰尼不合與梵僧同宿大德且去明日更來僧曰深山路遙無所投寄願不見遣尼曰若不去某不可住當入深山僧徘徊懼莫知所之尼曰但下前谷彼有禪窟僧依而往尋之果見禪窟相去可一里餘二僧一心合掌手捧香爐面北遙禮傾心聽經聆聆在耳初啟經題稱如是我聞乃遙見其尼身處繩床面南而坐口中放光赫如金色皎在峯前誦經兩帙已上其光盛於谷南可方圓十里與晝無異經至四帙金光稍收六帙都畢其光並入尼口華嚴經菩薩住處品云震旦國東北方有菩薩住處名清涼山過去諸菩薩恆於中住今有菩薩名文殊師利與萬菩薩俱其山在代州東南名五

臺山者首楞嚴三昧經云文殊是過去平等世界龍種上尊王佛
又央崛摩羅經云文殊是北方歡喜世界摩尼寶積佛想神尼之
境必文殊之分化以示梵僧也

尼法空者俗姓韓氏宣州人也幼時辭親詣五臺山西南一百餘
里建安寺出家後於祇洹寺受戒每誦法華用爲常務後負笈聽
學經律數十載間殊無開悟自知性之明慧無宿習力嘗聞五臺
山文殊菩薩現種種身賑濟羣品人傳有僧道超別無行業但久
住華嚴寺不出山門二十餘載其後命終生於兜率彌勒內院彼
天人謂超曰爾於人間別無妙行祇承文殊菩薩境界力故得生
此處爾可還下人間接誘四部俾令聞知文殊功德冀望暫登此
山中大銷諸罪則用補天之闕行也道超依言不捨天報下告人

廣清涼傳卷下

三吳縣蔣氏雙
唐碑館刊本

聞法空如是思惟文殊菩薩大願境界不可思議生希有心復自
念言無始生死三界流轉不得解脫善惡二業由心造作遂發大
願往五臺山志求大聖垂慈引接乃與親妹尼立願今誓以元和
四年屆山巡禮徧遊五頂觀種種化現後至華嚴寺西北三泉院
前深林中逢一老人謂法空曰汝宜住此修行決證勝果言訖遂
隱法空知大聖告諭乃悲泣雨淚久之方自悔責惡業罪障志願
滅除卽依此願別結草庵居策勵三業曉夕靡怠至元和八年二
月十五日取身所著衣令弟子悉送常住施大衆用乃集衆取別
人問其故法空告曰我從止此來蒙大聖告語教示妙法蓮華四
字開佛知見清淨無染得生淨土衆各努力無得空過言訖而逝
端坐如生衆遂茶毘收得舍利千餘粒四衆分之以充供養耳

宋僧所覩靈異二十一

釋淨業姓孟氏代州五臺縣人也幼而剛毅神俊不羣初年十三依五臺山真容院通悟大師爲師事師服勞特出倫類每詣太原行化山門供養資具靡不悉備僞主劉氏深所崇仰乃賜紫衣加號廣慧大師至天會十一年衆請充山門都監尋屬宋太宗皇帝戎輅親征克平晉邑師喜遇眞主乃率領僧徒詣行宮修觀陳其誠款遂進山門聖境圖并五龍王圖帝遽令展之御座前忽大雷震天無片雲馱雨澍注帝大駭曰是何祥也師對曰五臺龍王來朝陛下今二龍相見當喜故也雷雨若是帝大悅卽命收圖謂師曰候朕師旅還京之日別陳供養乃賜命服改號崇教大師仍擢爲臺山僧正應闔山劉氏所賜衣師號並改僞從眞至淳化四年

廣清涼傳卷下

吳縣蔣氏雙唐碑館刊本

四月下旬寢疾而終春秋五十九僧臘三十九

釋睿諫俗姓劉氏雲州人也風俗神俊出乎人表志輕軒冕性樂林泉辭親出家於五臺禮真容院僧統大師繼顛爲師厥後師旣去世葬禮云畢勝願內興欲崇佛事乃於樓觀谷內東北有泉名曰鹿泉泉側不遠結廬誦經勵精勤苦晨夕忘倦一日忽夢老叟告曰爾不須獨善可崇大事兼於此地大有因緣吾贊爾力言訖而寤內自惟曰斯必聖賢相誓於此處建大伽藍異日辦裝之北地緣化北朝靈王與夫人先夢見師化緣修造及師達境一見如舊旣符先夢大施金幣暨迴本山募工修建復詣太原謁僞主劉氏亦蒙厚賚寺號曰白鹿之寺宋太宗討平晉地師乃躬詣行宮請見上問臺山興建之由師奏對稱旨又蒙恩錫甚厚尋賜額號

太平興國之寺師之感召大槩如此至大中祥符元年八月初一日以疾而終春秋六十有六僧臘四十九影塔具在

祥符中有兩浙僧失其州郡名氏來禮大聖登東臺頂忽遇一院樓臺壯麗殿宇嚴潔僧遂入院前後殿宇像設鮮輝釋梵龍王儼然相對其僧遍詣參見主僧叙接言笑宛如素延迎畢語臨出院巡遣僧初無駭異及出了無所見僧方悟化現始驚歎之遂離臺頂西行下山遊眞容院安止畢禮謁前後殿宇主事諸僧一如東臺所見了然無異僧乃禮謁臺山境界讚歎不思議事遂向院僧具陳所見無不歎嗟

淳化中有楊州僧忘其法名身服疏布齋戒嚴謹嘗齎五百副鉢大小相盛副各五事入山普施虔禮大聖至眞容院安止因齋設

廣清涼傳卷下

五 吳縣蔣氏雙唐碑館刊本

日均散威畢後有施主詣北浴室院設浴啟請闔山賢聖下暨緇素一無揀別其僧齋畢先詣溫浴有三五僧偕行澡浴既至浴所楊州僧率先解衣褰簾而入忽見端正婦人就水洗浴僧狼狽而出衆詢其故僧具說所見人或不信之者入室驗之果無所覩

至道中有僧道海俗姓楊氏代郡土人也受業眞容院亦逢施主設浴齋罷遽自詣浴所向無一僧入院澡浴海解衣而入忽見滿堂衆僧揮洗略無識者覩此僧入一時俱出海心雖疑未測凡聖遽出視之闐無人矣集德者曰大凡施主設浴必豫供養聖賢後乃凡庶清旦賢聖臨降凡庶慎勿先就一則觸犯聖賢自貽伊咎二卽滅施福徒設劬勞斯亦聖人垂警凡百君子得無念焉

華嚴店昔有獵者名馬秋兒家貧以射生自活嘗至東臺東臺東

十餘里有古寺基人傳云是古華嚴寺也秋兒至此見一巨石其
砥如梭下有光明心甚疑之乃呼數人舉石視之條見佛經數十
部遂取一卷啟之開視字皆金色光奪人目秋兒輩皆山野蠢愚
不以爲異既歸告語其事有人傳達於眞容院主僧寬寬聞驚喜
非常遽召門人弟子五七人資供具過往求之既至其地了無所
覩唯有故基破瓦而已悵恨久之遂焚香歎息而歸

代郡唐林縣昔有女人三十五年不離城邑人呼姑姑長髮尼同
頭陔行長物不畜單衣被身冬寒夏暑不以爲苦坊市巷陌隨處
而眠悠悠之徒寔回能測五臺百二十所寺無不曾過夏月巡臺
則到處人見同行共語坐在巨蕪呵毀俗塵憎惡色欲後不知所
終故西域婆槃豆菩薩傳云此世界有一億菩薩住持往來化物

廣清涼傳卷下

吳縣蔣氏雙
唐碑館刊本

示說不虛前傳數云凡聖混居得不信哉後之來臻此境忽遇斯
人慎勿慢瀆戒哉

僧道演俗姓崔氏忻州定襄人也數歲出家依眞容院法忍大師
爲弟子每誦法華孔雀金剛般若等經以爲常務師素有息責之
疾結塊如石每一發動痛不可忍幾將不救忽見青衣婦人至臥
榻前立問其疾之所由師以寔告婦人乃以手觸塊曰師欲愈否
答曰甚適所願卽以物如絲縷纏其塊而拔去之尋卽痊愈方欲
起謝遽失所在遂向隣僧說之僧具頂禮後每思之未嘗不感歎
聖賢救護之力厥後日益康強年八十有五方壽終焉

靈異彙本二十一

華嚴寺東北有樓觀谷谷內有金剛窟谷口昔傳有鳳栖龔次西

有十二因緣。莫與鳳栖。莫相近。在金剛窟側。一身迴出一十二枝。高踰百尺。昔有古德於莫下。修十二因緣。觀遂以爲名。入谷一。二里有白水池。色如酥酪。味如甘露。人飲其水。肌膚潤澤。若常服之。令人難老。東臺西有王子造論碑。文字尙存。又有司空都督見佛碑。到者知焉。今年祀寢遠廢。毀不覩。良可歎哉。

華嚴寺東橫河側。有一樅莫松。身柏葉。橫枝到地。幹聳凌雲。古昔相傳。名四諦。莫枝葉四垂。合圍成蔭。有象明堂。八窗四闔。中心一插。向上百重。上圍下方。可謂奇異。雨雪不透。風日不穿。巡臺之人。同到莫下。可容數百。常有僧來止其莫下。爲衆宣四真諦法。悟入者衆。時羣鳥來止其處。飛翔上下。久而不去。僧曰。此鳥如佛。在日有鸚鵡於佛前。聆四諦法。而得生天。此亦應爾。因謂之四諦莫。瑞鳥靈禽。遊集栖宿。莫旣靈異。僧亦非凡。

廣清涼傳卷下

七 吳縣蔣氏雙唐碑館刊本

大聖文殊師利古今讚頌二十三

文殊像讚 并序

晉支道林撰

文殊師利者是遊方菩薩。因難垢之言。而有斯目。非厥號所先也。原夫稱謂之生。蓋至道興其邈。何者。虛引之性。彰於五德。軌世之表。聞於童真。庶仁之風。移則感時之訓。興故云。儒首以法王子爲名焉。夫欲窮其淵。致者必存其深。大終古邈矣。豈言像之所及。難竿之劫。功高積塵。悠悠遐曠焉。可謂諸言略叙其統。若人之始生也。爰自帝胄。尊號法王。無上之心。兆於獨悟。發中之感。無不由也。近一遇正覺。而靈殊內映。玄景未移。遂超發道位。於是深根永搆。於冲壤條異。神柯而月茂。慈悲之氣。與慧風俱扇。三達之明。與日

月並輝具體而微固已功侔法身矣若乃天機將運卽神通爲館
宇圓應密會以不迹爲影跡斯其所以動不離寂而彌綸宇宙倏
無常境而名冠遊方者也世尊興出乃授躍進之明顯潛德於香
林因慶雲而西徂復龍見於茲刹法輪旣轉則玄音屢唱對明淵
極輒暢法深言道映開士故諸佛美其稱體絕塵俗故濯纓者高
其跡非夫合天和以挺衲吸冲氣而爲靈舒重霄以迴蔭吐德音
而流響亦孰能與於此哉時欲搖蕩羣生之性宅玄宗而獨至開
宏基與一簣廓恆沙而爲宇若然而不說文殊之風則未達無窮
之量長笑於大方之疾矣自世尊泥洹幾將干祀流光福蔭復與
時而升降由是冥懷宗極者感悲長津之喪源懼風日之潛損遂
共長表容之金石繼以文頌人思自盡庶雲露以增潤今之所遇

廣清涼傳卷下

文吳縣蔣氏雙
唐碑館刊本

蓋是數減百年有轉輪王王閻浮提號曰阿育仰窺遺軌擬而像
焉雖眞宰不存於形而靈位若有主雖幽司不以情求而感至斯
應神變之異屢干民聽因僉悟時信有自來矣意以爲接頽薄之
運實由眞維之功通天昏否之俗固非一理所弘是以託想之賢
祇誠攸寄絲紐將絕之緒引豪心以標位乃遠謨良匠像天所像
感來自表不覺忻然同詠爲之讚曰

眇眇童眞弱齡啟蒙含英吐秀登玄履峰神以道王體以冲通浪
化遊方乃軌高蹤流光遺映爰暨茲邦思對淵匠靖一惟恭靈襟
絕代庶落塵封

文殊師利讚

童眞領立致靈化實悠長昔爲龍種覺今測夢遊方恍惚乘神浪

高步維摩鄉擢此希夷質映彼虛閑堂觸類興清邁目擊洞兼忘
梵釋欽嘉會閑邪納流芳

文殊像讚

殷晉安撰

文殊洞睿式昭厥聲探玄發暉登道懷英瓊瑤三達如日之明
寶神通在變伊形將廓恆沙陶鑄羣生眞風幽曖千祀彌靈思媚
哲宗寤言祇誠絕慶孤棲祝想太冥

文殊師利讚

秘書丞鄒濟川撰

釋尊降世說法度人大聖文殊示菩薩身佛不並化助道能仁金
口宣言證號往音龍種上尊摩尼寶積普化色身未來當得雙林
滅景衆聖韜光我大導師奄宅清涼五百仙俱講道爲常波利遠
歸無著願見或授秘語或覩神變爲接有情不捨方便我曾供養
今復親依瞻仰眞像若覩靈暉俗緣未斷善念長歸我對金容當
發大誓運菩提心廣度一切近侍吉祥億生萬世

續遺

前代州管内僧正勝行大德沙門明崇撰

安州人張氏崇信三寶純厚人也元豐甲子來遊此山以錢百萬
奉曼殊室利每日三時必來開殿辦香茶珍果情貌如肅守殿者
以其誠懇不以爲勞一日遍遊諸臺至西臺之頂焚香次忽聞異
香久而莫測旣而仰視空中乃見天花百千萬朶青黃朱紫衆彩
畢具繽紛亂墜甫齊人頭觀者數百人人欲取之卽騰起一朵獨
落張公之手其色不可名狀晚還眞容院僧俗觀之歎未曾有主
僧懇求菩薩前供養公曰菩薩授我而返留之是我逆菩薩之惠

廣清涼傳卷下

充吳縣蔣氏雙
唐碑館本

也況仙陔聖卉乎主僧亦不敢奪其志清朝下山親捧其花常有圓光丈許隨身送者踰數十里不能捨歎息而歸

德州市戶王在家甚殷富元祐庚午仲夏挈妻僕遊臺山晚宿眞容院翌日彈冠整衣詣文殊像旣而晚靚微有不敬之色出聲就館知客僧省彥求謁與在語曰山僧住此僅四十餘年所接衆多今日君拜謁之禮但有初謹後怠加之容色不怡何也在怒而言曰在此一來出於過聽謂有肉身菩薩故不遠千里而來今觀之乃一泥塊耳反思跋涉之勞寧不爲苦彥曰是何言歟昔大聖於此驚臺屢見瑞相安生親塑意有所疑祈而復現七十有一故唐睿宗以眞容目爲院額公何言之易也且此山龍神守護或若以怒公身竄之無地也在曰豈一龍焉能禍我乎彥曰君此一來輕

廣清涼傳卷下

三吳縣蔣氏雙唐碑館刊本

侮像貌痛斥龍神第恐禍生不測可速悔過不然公之身必碎於龍神之爪牙矣在意不悛後三日遊東臺與衆百餘人宿於臺頂化現堂甫及夜半大雷忽發若天坼地裂堂之壁已爲穴火焰隨入俄頃火從穴出在之身已碎矣其僕孝存借寺家緜衣一件以禦寒裏外衣並燒損唯中間借物在焉其妻僕火其骨而下山聞者靡不歎異是夕有滄州尼海俊同宿化現堂日已曛暮有叟語曰敝居不遠敢邀師一訪兼就晨粥尼應命至一石洞叟遂失所在清朝復化現堂知在之禍免其驚懼究其所寓石室乃那延洞也

僧惠通沂州人也今爲僧之上首昔政和改元首夏與緇素千人同遊臺山今僧正通義大德明憚時充知客謂通曰梵仙山五龍

時復出現可一觀焉惠通因與其徒二三子同遊至山復逢同志者因詢之曰山有神龍子見之乎同志曰見通問其狀若何曰如蛇通曰正是真龍猶爲畜類况蟒蛇乎乃還所寓之舍俄頃通覺腰間有物如蛇而如爪角漸束其腹甚緊苦痛不可忍起而復倒者再同志者走報主僧述其事通亦遣人白主僧求救曰我以傲慢龍神得罪聞山中有熙菩薩爲我懺悔會熙公隨漕使陳公知存遊興國寺主僧亦懼不可測就命菩薩殿主洪辯大師溫最作法懺悔通罄捨衣孟悔過少頃苦方息陳公聞之亦相與歎焉

書生李昇者中山相如里人也昔與右丞王公安中同筆硯其弟卽修大華嚴寺功德主真熙也代州守王洗自中山召之使子姪從其學政和元年至山與士大夫時復燕樂一日到寺王天民都

廣清涼傳卷下

三 吳縣蔣氏雙唐碑館刊本

巡陳去捕盜伏扑乃命先生遊梵仙山至東巖祈於龍神祠下少頃二龍出於石間一爲金色一爲紺青諸公焚香設拜以笏招之金色者緣笏而上脊若有所嗅者諸人之意加勤獨先生以杖觸之曰此乃怪蛇異物何足貴哉言未竟有物如神仆先生於地衆咸惶駭俄又擲於巖下高數百尺先生既死其弟熙以禮葬之是夕雨電大作雷電晦暝先生之屍暴露於外因火之而葬焉

那羅延洞者在東臺東側洞門向東深二丈餘迥邐隘窄如斗許大遊禮者至此旣不能進往往但以手捫探或秉燭照之一穴唯指西北稍向上然深不可測時有冷風拂面傳云此洞與金剛窟皆大聖之所宅也宣和八年五月二十八日有邵武僧失其名姓與僧宗新同遊臺山止眞容院瞻禮眞像一日登東臺頂會代郡

趙公康弼與都巡檢薰涼等諸官升山門上首僧慈化大師真熙
一百餘人俱至求現光景已而遊是洞趙公等遍入觀覽唯邵武
僧佇立洞外其一官戲之曰師何不入入之則無礙矣其僧乃揖
趙公慈化宗新曰珍重珍重遂趨步而進至隘窄處則褰衣僂偻
而入略無阻礙如行空室舉衆驚愕諠譟不已莫測其由宗新呼
之數番杳無聲跡旣移時不出宗新謂衆曰吾與彼僧同行數旬
竟不知其爲聖賢也因慟哭曝怨衆亦泣下趙公求其遺物宗新
視之得竹笠一頂蒸餅數枚尋有平隘寨官張仲古作詩美之以
呈趙公云南僧遠禮五臺山去入那羅洞不還自古趙公傳拂子
今留笠子在人間今詩碑猶在其笠子亦尙存噫始信清涼境界
龍蛇混跡凡聖同居不爲虛矣

廣清涼傳卷下

三 吳縣蔣氏雙
唐碑館刊本

朔州慈勇大師未詳受業名氏其道行博識遐邇欽伏天會壬子
季復遊臺山與其徒史法師等百餘人同宿眞容院史亦純厚人
也一日遊大華嚴寺忽於寺側見祥雲自東而來五彩畢具又於
雲中現文殊大聖處菡萏座據狻猊之上及善財前導于闐爲御
波離後從暨龍母五龍王等執珪而朝自餘褰冠博帶奇相異服
千狀萬態而能盡識大聖目瞬手舉衣帶搖曳第不聞其聖語迤
邐自西而去觀者千餘人四衆歡喜歎未曾有當是時也眞容院
遇回祿之餘始欲興復由斯祥瑞四方檀信輻湊施財施力者惟
恐後至眞容院大殿不日而成切切現土現身非徒設也

僧永洲者晉陽祁人也姓王氏天眷末來遊五臺遍觀聖跡寓眞
容院仰慕聖境久而忘歸一日衆集擇茶忽視衆人面衣服盡作

金色不覺神情驚駭欲言之恐人疑怪唯自慶幸始悟臺山之衆皆是菩薩眷屬金色界中人也後聞長興大禪師以人天眼目提振於雲中乃往趨法席展師資之禮果有所得因衆普請話及臺山所見事跡雁門圓果寺僧普安能會其事也

廣清涼傳卷下

音釋 錢則前饋渠位 昉甫往 綽昌約 笥息茲 澠音免 瞪音正 袂彌銳

夤戶盲 蔚於貴於 賚才忍 賚力代 擢直角 造市緣 賁博昆 疊无匪

曠許云 恽于粉 漕在到 褰法堅 諫息到 狡素官 猊五兮

廣清涼傳卷下

三 吳縣蔣氏雙唐碑館刊本

